



6. februar 2008

Inatsisartut suleriaasianni § 36 imm. 1 naapertorlugu Naalakkersuisunut imaattumik apeqquteqarpunga:

Departementit nutaat kiisalu taakkunani sulisunut tunngasut allallu pillugit Naalakkersuisunut apeqquteqaatit.

Inatsisartunut ilaasortaq Jens B. Frederiksen, Demokraatit)

Naalakkersuisut kalaalinnorsaanermut maanna ingerlasumut atatillugu departementscheffinik arfineq-marluusussaniit arfinillit atorfinitsinneqaaqqammerput. Taamatut atorfinitsinneqartut arlaqartut pisortaqarfinni assigiinngitsuni direktøritut atorfeqarsimasunit inuttaqarput. Taamatut inissinnerup kingunerisaanik Naalakkersuisunut apeqquteqaatinik makkunanga apeqquteqarnissannut tunngavissaqalerpunga:

1. Pisortaqarfinni maanna direktøriusut departementchef-itut atorfinitsinneqarsimanngisut pisortaqarfinni aqutsinermut pisortatut atorfinni issiatiinnarneqassapaat, kiisalu direktø-rit atorfinni nutaani atorfininnerinut atatillugu atorfikui inuttaaruttut aqutsinermi pisortanik nutaanik inuttalerneqassapaat?
2. Innuttaasut akornanni pasipiluinerit tunngavigalugit oqallisilernissaq pinngitsoorniarlugu Demokraatit isumaqarput departementchef-itut atorfinittut nutaat qanoq aningaasarsiaqartinneqarnersut Naalakkersuisuniit maannangaq avammut saqqummiuttariaqartut, soorlu København-ip Kommuneata taamaaliorsimasoq. (assersuut quppersakkami uvani takuneqarsinnaavoq:
<http://www3.kk.dk/Fakta%20om%20kommune/De%20syv%20forvaltninger/Okonomiforvaltningen/Direktion/Henrik%20Plougmann%20Olsen.aspx>)
3. Departementschef-itut atorfik Namminersornerullutik Oqartussat allaffissuani atorfeqarfiuvoq nutaarluinnaq. Allannortiterinermut maannakkut ingerlasumut atatillugu atorfinnik nutaarluinnarnik allanik pilersitsinissamik aalajangiusisoqarnikuuvaa imaluunniit eqqarsaateqartoqarpaa, taamaalisoqassappallu atorfiit nutaat pilersinneqartussat sunik suliaqarnissaat pillugu atorfinittut malitaassaannik allaqqasoqarpaa? Tamatumunnga atatil-lugu departementschef-itut atorfinittut taamatullu aqutsinermi pisortatut atorfinitsinneqartut sunik suliaqartinneqassanersut pillugit atorfinittut malitassaannik allaqqasoqarnersoq nassuiaqquneqarpoq, tassanilu suliaassarfiit assigiinngissutaat kiisalu atorfinitsitassat marloqiusannornerisa pisariaqartinneqarnerat pillugu nassuiaateqartoqassasoq kissaatigineqarpoq.
4. Departementschef-it atorfinitsinneqarnerannut atatillugu isumaqatigiissummi taakkua soraarnissaannut atatillugu qanoq ittunik isumaqatigiissuteqartoqarpa?

Naalakkersuisut maannakkut sulisoreriikkanut atorfimminnut tunngatillugu ernummatissaqannginnerat pillugu annertuumik paasisitsiniaareerput. Tassami aqqissugaanitsinni toqqissimasuunissaq eqqarsaatigalugu taamaaliorneq pissusissamisoorpoq. Kisiannili Demokraatiniit pissusissamisoorsoraarput Naalakkersuisut suliffimmi toqqissimasuunissap ernumanartoqannginnera erseqqissarniarlugu paasisutissanik apeqqutissanullu atuarneqarsinnaasunik sulisunut agguaassisariaqartut. Taamatumik tamakkua pillugit apeqquteqaatit makkua Naalakkersuisunit akineqassasut kissaatigaarput:



5. Namminersorerullutik Oqatussat ataanni pisortaqarfinni sulisutut atorfinitsinneqarsimasut agguaqatigiisillugu qanoq sivisutigisumik sulisarpat?
6. Qanga kingullermik Namminersorerullutik Oqatussat pisortaqarfiini sulisut suliamin-nik qanoq naammagisimaarinnitsiginerat pillugu misissuineramik ingerlatsisaqarnikuuvaa?
7. Pisortaqarfinni assigiinngitsuni atorfiit qassit inuttalerneqarnissamut suli amigaatigineqarpat?
8. 2007-imi pisortaqarfinni sulisimasut qassit atorfimminiit soraarnikuuppat?
9. Apeqquteqaatinut makkununnga akissutigineqartut aallaavigalugit aaqqissugaanitsinni sulisut ataatsimoorlutik qanoq naammagisimaarinnitsiginersut tunngavigalugit Naalakkersuisut qanoq naliliippat?

Apeqquteqaatinnut makkununnga akissuteqaatit apeqquteqaatit tiguneriniit ullut suliffiusut qulit qaangiutsinnagit tiginissaat kissaatigaara.